

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>




[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





佛說七佛經

宋朝散大夫試鴻臚卿明教大師法天奉

詔譯

佛說解憂經

宋三藏法師法天奉

詔譯

佛說徧照般若波羅蜜經

宋西天三藏朝散大夫試鴻臚卿傳法大師施護奉

詔譯

佛說七佛經、佛說解憂經、佛說徧照般若波羅蜜經



清刻龍藏佛說法變相圖

三經同卷

佛說七佛經

佛說解憂經

佛說徧照般若波羅蜜經

命九

佛說七佛經

命九

宋朝散大夫試鴻臚卿明教大師法天奉 詔譯

如是我聞一時佛在舍衛國祇樹給孤獨園  
爾時有大苾芻衆持鉢食時詣迦里梨道場  
共坐思惟過去世時有何佛出現族姓壽量  
其義云何如是思已互相推問而不能知爾  
時世尊知此苾芻思惟是事即從座起詣迦  
里梨道場結跏趺坐時諸苾芻頭面禮足住  
立一面合掌恭敬一心瞻仰世尊問曰汝諸  
苾芻於意云何苾芻答言我等思惟過去世

中有何佛出世族姓壽量皆不能知佛告諸  
苾芻汝等樂聞苾芻答言今正是時願爲宣  
說佛言汝等諦聽我今說之過去九十一劫  
有毗婆尸佛應正等覺出現世間三十一劫  
有尸棄佛毗舍浮佛應正等覺出現世間於  
賢劫中第六劫有俱留孫佛應正等覺出現  
世間第七劫有俱那舍牟尼佛應正等覺出  
現世間第八劫有迦葉波佛應正等覺出現  
世間第九劫我釋迦牟尼佛出世間應正等  
覺復次過去劫中毗婆尸佛尸棄佛毗舍浮  
佛宣說尸羅清淨戒律成就智慧最上之行  
復次賢劫中俱留孫佛俱那舍牟尼佛迦葉  
波佛亦說清淨律儀及禪定解脫之法我所  
說法亦復如是汝諸苾芻過去毗婆尸佛刹  
帝利姓發淨信心而求出家成正覺道尸棄

佛毗舍浮佛亦刹帝利姓俱留孫佛俱那舍  
牟尼佛迦葉佛婆羅門姓我生淨飯王宮刹  
帝利姓爾時世尊欲重宣此義而說頌曰  
我說過去世 九十一劫中 時有毗婆尸  
出現於世間 三十一劫中 尸棄毗舍浮  
如是正等覺 命九 皆姓刹帝利 俱留孫如來  
婆羅門之姓 俱那舍迦葉 其姓亦復然  
我處閻浮提 而爲淨飯子 雖證佛菩提  
亦姓刹帝利  
爾時世尊說此偈已告苾芻衆言汝等諦聽  
我今復說七佛如來應正等覺所有族號毗  
婆尸佛尸棄佛毗舍浮佛憍陳族俱留孫佛  
俱那舍牟尼佛迦葉波佛迦葉族釋迦如來  
瞿曇族爾時世尊重說頌曰  
毗婆尸如來 尸棄毗舍浮 如是彼三佛

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



悉是憍陳族 俱留孫如來 俱那舍迦葉  
 如是彼三佛 悉是迦葉族 我處閻浮界  
 生於淨飯宮 出家證菩提 是彼瞿曇族  
 爾時世尊說此偈已告苾芻眾言汝等諦聽  
 我今復說七佛如來應正等覺壽量長短毗  
 婆尸佛應正等覺出現世間壽八萬歲尸棄  
 佛應正等覺出現世間壽七萬歲毗舍浮佛  
 應正等覺出現世間壽六萬歲俱留孫佛應  
 正等覺出現世間壽四萬歲俱那舍牟尼佛  
 應正等覺出現世間壽三萬歲迦葉波佛應  
 正等覺出現世間壽二萬歲我化五濁眾生  
 壽百歲故爾時世尊重說頌曰  
 毗婆尸如來 尸棄毗舍浮 俱留孫世尊  
 俱那舍迦葉 如是出世時 各自人壽量  
 八萬次七萬 六萬及四萬 三萬至二萬

如是釋迦佛 而出於五濁 人壽一百歲  
 爾時世尊說此偈已告苾芻眾言汝等諦聽  
 我今復說七佛如來父母國城種種名字毗  
 婆尸佛父名滿度摩王母名滿度摩帝城亦  
 名滿度摩尸棄如來父名阿嚕拏王母同名  
 阿嚕拏城名阿嚕縛帝毗舍浮如來父名蘇  
 鉢囉底都王母名鉢囉婆縛底城名阿努鉢  
 麼俱留孫佛父名野倪也那多母名尾舍佉  
 王名利謨利摩城名利摩俱那舍牟尼佛父  
 名野倪也那覩母名烏多囉王名輸部城名  
 輸婆縛帝迦葉如來父名蘇沒囉賀摩母名  
 沒囉賀摩盧鉢多王名訖里計城名波羅柰  
 我今應正等覺父名淨飯王母名摩訶摩耶  
 城名迦毗羅爾時世尊重說頌曰  
 毗婆尸如來 彼佛本生處 滿度摩為父

滿度摩帝母	所都大城郭	亦名滿度摩
時豐國富盛	人民恒快樂	
尸棄佛世尊	阿嚕拏王父	阿嚕拏縛帝
是佛母之名	所居城同號	阿嚕拏縛帝
人民甚熾盛	大富常安隱	
毗舍浮如來	父王及母名	蘇鉢囉帝都
鉢囉婆縛帝	所都之國城	名阿努波摩
其世亦安隱	一切無災害	
俱留孫世尊	彼父所立名	野倪也那多
尾舍佉為母	利謨利摩王	都彼利摩城
時彼諸眾生	<small>命九</small> 崇重於賢善	
俱那含牟尼	野倪也那覩	而是父之名
母號烏多囉	國王名輸部	輸婆縛帝城
縱廣多嚴飾	有情無諸惱	
迦葉波佛父	蘇沒囉賀摩	母立波囉賀

摩虞鉢多名 訖里計國王 都波羅柰城  
 其中諸眾生 晝夜常安隱  
 我今所生處 淨飯王為父 摩訶摩耶母  
 城名迦毗羅 如是正等覺 七佛諸如來  
 父母及國城 分別名如是

爾時世尊說此偈已告苾芻眾言汝等諦聽  
 我今復說七佛如來聲聞弟子毗婆尸如來  
 應正等覺大智弟子名欠拏底寫聲聞中第  
 一尸棄如來應正等覺大智弟子名部三婆  
 縛聲聞中第一毗舍浮如來應正等覺大智  
 弟子名野輸多囉聲聞中第一俱留孫如來  
 應正等覺大智弟子名散唵縛聲聞中第一  
 俱那含牟尼如來應正等覺大智弟子名蘇  
 嚕拏多囉聲聞中第一迦葉波如來應正等  
 覺大智弟子名婆羅特縛惹聲聞中第一我



今應正等覺大智弟子名舍利弗聲聞中第一爾時世尊重說頌曰

毗婆尸如來	有大智慧子	名欠拏底寫
尸棄佛世尊	有大智慧子	名部三婆縛
毗舍浮如來	有大智慧子	名野輸多囉
俱留孫如來	有大智慧子	名曰散吟縛
俱那含牟尼	有大智慧子	蘇嚕努多囉
迦葉佛世尊	有大智慧子	婆囉特縛惹
我今應正覺	有大智慧子	名曰舍利弗
如是七佛子	於諸聲聞中	各各為第一

爾時世尊說此偈已告苾芻眾言汝等諦聽我今復說七佛如來侍者弟子毗婆尸如來應正等覺侍者名阿輸迦尸棄如來應正等覺侍者名刹摩迦嚕毗舍浮佛應正等覺侍者名烏波扇覩俱留孫佛應正等覺侍者名

沒提踰俱那含牟尼佛應正等覺侍者名蘇嚕帝里野迦葉如來應正等覺侍者名薩里縛蜜怛囉我今應正等覺侍者名阿難陀爾時世尊重說頌曰

佛子阿輸迦	刹摩迦嚕等	并烏波扇覩
沒提踰之者	蘇嚕帝里野	薩縛蜜怛囉
及彼阿難陀	皆為佛侍者	常行慈悲心
成就三摩地	通達諸法相	具足大智慧
多聞而聰敏	為大法之師	眾中居第一
名聞於十方	人天皆歸敬	精進力堅固
斷盡諸煩惱	而證無生滅	承侍佛世尊
恒獲於已利	如是諸如來	成就真佛子
爾時世尊說此偈已告苾芻眾言汝等諦聽我今復說七佛如來所度聲聞之眾毗婆尸如來第一會說法有六萬二千苾芻得阿羅		

命九

六

漢果第二會說法有十萬苾芻得阿羅漢果  
 第三會說法有八萬苾芻得阿羅漢果尸棄  
 如來第一會說法十萬苾芻得阿羅漢果第  
 二會說法八十億苾芻得阿羅漢果第三會  
 說法七萬苾芻得阿羅漢果毗舍浮如來第  
 一會說法八萬苾芻得阿羅漢果第二會說  
 法七萬苾芻得阿羅漢果第三會說法六萬  
 苾芻得阿羅漢果俱留孫如來一會說法四  
 萬苾芻得阿羅漢果俱那舍牟尼佛一會說  
 法三萬苾芻得阿羅漢果迦葉如來一會說  
 法二萬苾芻得阿羅漢果我今一會說法一  
 千二百五十苾芻得阿羅漢果爾時世尊重  
 說頌曰  
 毗婆尸如來 尸棄毗舍浮 俱留孫世尊  
 俱那舍迦葉 并釋迦牟尼 各各出世時

所度聲聞眾 數有七十億 九萬餘三千  
 二百五十人 皆得阿羅漢 不受於後有  
 爾時世尊說此偈已告苾芻眾言汝等諦聽  
 毗婆尸佛尸棄佛毗舍浮佛乃至我今出現  
 世間住持教化宣說法教調伏有情戒行儀  
 範受持衣鉢求證菩提無有少法而各別異  
 爾時世尊而說頌曰  
 如是過現劫 毗婆尸等佛 所度眾苾芻  
 成就大智慧 勤修於正道 菩提之分法  
 五根與五力 四念四神足 七覺八聖支  
 及彼三摩地 寂靜眼等根 通達於法藏  
 開悟諸群生 增長於慧命 如是賢劫中  
 皆歎未曾有 佛以大悲智 自覺覺於他  
 威德大神通 所說皆如是  
 爾時世尊說此偈已與諸苾芻即從座起還

給孤獨園過是夜已至平旦時諸苾芻衆從其本舍往迦里梨道場互相推問過去如來入大涅槃離諸戲論永斷輪迴而無過失如是大丈夫有如是智慧如是持戒如是三摩地如是解脫如是威德如是種族降世利生甚爲希有不可思議爾時世尊知諸苾芻心之所念從座而起詣迦里梨道場結跏趺坐告苾芻衆言於意云何時諸苾芻白世尊言我等聞說過去如來入大涅槃離諸戲論永斷輪迴而無過失如是大丈夫有如是智慧如是持戒如是三摩地如是解脫如是威德如是種族降世利生甚爲希有不可思議佛言苾芻汝今所說何以故苾芻白言佛有清淨法界證真覺智無不了知願爲解說佛言苾芻汝等諦聽我今說之於過去世有大國

王名滿度摩彼王妃后名滿度摩帝爾時毗婆尸佛從兜率天降下閻浮入於母腹住胎臟中放大光明照諸世間無有幽暗而諸惡趣一切地獄日月威光亦不能照佛光所及忽得大明而彼有情互得相見即發聲言何故此間有別衆生命九爾時世尊而說頌曰  
菩薩從兜率 下降閻浮時 如雲亦如風  
須臾至母腹 身放大光明 照耀人天界  
地獄鐵圍山 皆悉無幽暗 佛刹衆境界  
隨住於母身 如是大仙衆 亦來俱集會  
爾時世尊說此偈已告苾芻衆言汝今諦聽彼菩薩摩訶薩從兜率天下降閻浮入母胎時部摩夜叉高聲唱言此大菩薩大威德大丈夫捨天人身及阿脩羅身處彼母胎而受人身如是四天王天忉利天夜摩天乃至梵

輔等天聞此唱言菩薩降神處母胎中皆悉  
來集爾時世尊而說頌曰

菩薩從兜率 降神母胎時 部摩大夜叉  
唱言彼菩薩 棄捨天中身 及於脩羅質  
處比母胎中 即受人世報 四王忉利天  
夜摩及兜率 乃至於梵世 皆悉聞斯事  
菩薩降人間 微妙真金色 諸天悉來集  
心懷大喜慶

爾時世尊說此偈已告苾芻眾言汝今諦聽  
彼菩薩摩訶薩從兜率天降闍浮時有四大  
天子威德具足身被甲冑手執弓刀擁護菩  
薩人非人等皆不侵害爾時世尊而說頌曰  
菩薩降生時 忉利天帝釋 遣彼四天王  
各具大威力 身被金甲冑 手執弓刀槍  
恒時常衛護 羅刹非人等 不敢作惱害

安住母腹中 如處大宮殿 恒受諸快樂  
爾時世尊說此偈已告苾芻眾言汝今諦聽彼  
菩薩摩訶薩從兜率天下降闍浮處母胎時  
其身清淨光明照耀如摩尼珠母心安隱無  
諸熱惱爾時世尊而說頌曰

菩薩處胎時 清淨無瑕穢 猶如瑠璃珠  
亦如摩尼寶 光明照世間 如日出雲翳  
成就第一義 出生最上智 令母無憂惱  
恒行眾善業 有情皆歸仰 安處刹帝利  
爾時世尊說此偈已告苾芻眾言汝今諦聽  
彼菩薩摩訶薩從兜率天下降闍浮處母胎  
時未曾得聞母有染欲色等五塵而無所著  
爾時世尊而說頌曰  
菩薩處胎時 令母心清淨 不聞染汚名  
遠離五欲過 斷除貪愛根 不受諸苦惱

身心恒安隱 常得於快樂

爾時世尊說此偈已告苾芻眾言汝今諦聽  
彼菩薩摩訶薩從兜率天下降閻浮處母胎  
時母自受持近事五戒一不殺生二不偷盜  
三不婬欲四不妄語五不飲酒於其右脅誕  
生菩薩母後命終生天界中爾時世尊而說  
頌曰

菩薩處胎中 母自持五戒 右脅生童子  
無彼諸苦惱 譬如天帝釋 受妙五欲樂  
於後命終時 速得生天上

爾時世尊說此偈已告苾芻眾言汝今諦聽<sup>十</sup>  
彼菩薩摩訶薩右脅生時大地震動身真金  
色離諸垢涂放大光明普照世間一切境界  
所有惡趣黑暗地獄忽然大明彼中眾生互  
得相見各各疑云何故此間有別眾生爾時

世尊而說頌曰

菩薩降生時 大地皆震動 身相如真金  
不涂諸塵垢 威德大神通 光明照一切  
幽暗業眾生 而互得相見

爾時世尊說此偈已告苾芻眾言汝今諦聽  
彼菩薩摩訶薩右脅生時母無疲困不坐不  
卧爾時菩薩大威德大丈夫心不昏昧足不  
履地有四大天王捧童子身爾時世尊而說  
頌曰

菩薩降生時 母意無散亂 不坐亦不卧  
自在而適悅 威德大丈夫 心離諸暗昧  
四天捧其身 足不履於地

爾時世尊說此偈已告苾芻眾言汝今諦聽  
彼菩薩摩訶薩右脅生時身體清淨如瑠璃  
寶遠離一切膿血痰唾不淨之物亦如摩尼

命九

十二

珠橋尸迦衣諸塵垢等而不能著爾時世尊而說頌曰

菩薩降生時 身器悉清淨 遠離諸穢惡  
膿血痰唾等 譬如橋尸衣 及彼摩尼寶  
瑩淨體光明 塵垢皆不住

爾時世尊說此偈已告苾芻衆言汝今諦聽彼菩薩摩訶薩右脅生時有二天子於虛空中降二種水一冷二溫沐浴童子爾時世尊而說頌曰

菩薩降生時 空中有二天 沐浴童子身  
降彼二種水 溫冷各相宜 表圓於福慧  
成就大無畏 普徧視衆生

爾時世尊說此偈已告苾芻衆言汝今諦聽彼菩薩摩訶薩右脅生時具三十二相身色端嚴眼根清淨見十由旬爾時世尊而說頌

曰

菩薩降生時 諸相悉具足 目淨復端嚴  
遠視十由旬

爾時世尊說此偈已告苾芻衆言彼菩薩摩訶薩右脅生時視切利天帝釋見此童子是真佛身執白傘蓋覆童子身寒熱風塵一切諸惡而不能侵爾時世尊而說頌曰  
童子初生時 遠視於切利 帝釋復覩之  
手執白傘蓋 即來覆其身 寒熱風日等  
及彼諸毒惡 一切不能侵

爾時世尊說此偈已告苾芻衆言汝今諦聽彼菩薩摩訶薩右脅生時本母乳母養母及諸宮人圍繞保護澡浴塗香種種承奉爾時世尊而說頌曰

童子初生時 乳養有三母 及彼諸宮人

命九

十二

四面常圍繞 澡浴復塗香 令彼常安隱  
如是晝夜中 無暫而捨離

爾時世尊說此偈已告苾芻眾言汝今諦聽  
彼菩薩摩訶薩右脅生時身色端嚴具三十

二相滿度摩王即召相師占其童子婆羅門  
言若令在家受灌頂輪王之位王四天下具

足千子威德無畏不以兵杖弓劍能降他軍  
若復出家堅固修行成正等覺爾時世尊而

說頌曰  
相師婆羅門 占此天童子 告彼父王言

具相三十二 如月出眾星 世間甚希有  
若常在宮殿 必紹轉輪位 主領四大洲

復生千太子 如是出家時 速成無上覺  
爾時世尊說此偈已告苾芻眾言汝今諦聽

彼菩薩摩訶薩右脅生時身真金色諸相端

嚴如水生蓮塵垢不著一切有情瞻仰不足  
所出言音微妙細密清雅流美譬如雪山迦  
尾囉鳥食華而醉所出音聲雅妙清響眾生  
聞者無不愛樂童子言音亦復如是爾時世  
尊而說頌曰

童子初生時 命九 身相真金色 十三 亦如紅蓮華  
塵垢不能染 言音甚微妙 如迦尾囉聲

眾人得聞之 愛樂無厭足  
爾時世尊說此偈已告苾芻眾言汝今諦聽

彼菩薩摩訶薩為童子時遠離邪妄心意純  
直自覺覺他恒行正法眾人侍奉如帝釋天

主宗敬父母由此名為毗婆尸爾時世尊而  
說頌曰

毗婆尸如來 為彼童子時 通達大智慧  
遠離於邪妄 自覺及覺他 修習正法行

衆人常愛敬 如彼帝釋天 侍養於父母  
名聞滿世間 是名毗婆尸 利益諸含識

佛說七佛經



佛說解憂經

宋三藏法師法天奉 詔譯

稽首歸依正等覺 能度無邊大苦海  
 恒以甘露潤群生 令得涅槃我頂禮  
 稽首歸依正法藏 能止無邊苦惱因  
 顯示過失利衆生 令獲寂靜我頂禮  
 稽首歸依大苾芻 能與世間爲福聚  
 發行勤修安樂因 善斷輪迴我頂禮  
 愛別離最苦 憂火鎮燒然 若欲自安心  
 端居作觀想 譬如群鳥獸 暫聚各分飛  
 生死人亦然 云何懷憂苦 只自一有死  
 衆人皆長生 別離痛不任 親姻須啼泣  
 三界大輪迴 無有免斯者 平等受無常  
 云何懷憂苦 若人生貪愛 孰知貪火燒  
 如彼犛牛身 愛尾遭人殺 世人多迷醉

命九

十

欲逃嶮惡道 設盡方便心 不能免離苦  
 如彼野麀鹿 常被師子逐 究竟不能逃  
 云何懷憂苦 大地及天上 三界與四生  
 未曾得見聞 不受無常者 亦如山野火  
 焚燒草木時 不擇華果林 俱時成灰燼  
 愚癡諸衆生 顛倒生妄想 身繫無常繩  
 無人能可解 色界梵世中 禪味爲安樂  
 亦如樹臨河 不久風水壞 百億轉輪王  
 千萬天帝釋 念念即無常 如風吹燈炎  
 過去大神仙 五通心自在 往復騰空行  
 猶被無常取 金剛堅固身 尚自示寂滅  
 凡識如芭蕉 云何欲久住 大地妙高山  
 及以四大海 劫壞亦歸空 何況衆生趣  
 龍居深海裏 眷屬常圍繞 金翅鳥能食  
 別離苦亦爾 或人往他界 欲避於無常

如入摩竭魚 口中求安隱 如是欲色界  
及彼非非想 未有於一物 不被無常吞  
唯有正等覺 是真依仗處 信受汝諦聽  
能解諸憂惱

如是我聞一時佛在舍衛國祇樹給孤獨園

爾時世尊告苾芻言衆生無數輪迴無邊如

蟻循環無有窮盡衆生貪愛無明障閉如陷

泥中而不能出過去有情輪迴往復數不能

知苾芻所有大地之土都聚一處和爲泥丸

大小豆如數彼衆生無始劫來所生父母子

孫每一人下一泥丸如是泥丸下盡父母子

孫數不能盡苾芻如是無邊輪迴衆生貪愛

無明顛倒陷愛欲泥中生死輪迴不知其數

是故令汝學斷輪迴佛言苾芻如是補特伽

羅輪迴衆生以骨作聚如妙高山不壞不爛

如是無學聲聞證四聖諦了知此苦真實爲  
苦苦滅證苦聖諦彼補特伽羅見此屍骨不  
知是苦亦不能滅三界煩惱若滅三界煩惱  
證須陀洹不空法決定得菩提由於七生天  
人之中作斷輪迴除滅煩惱七生滿已聖諦

現前正見智慧滅盡餘惑到涅槃寂靜彼補

特伽羅方得解脫輪迴之苦佛言苾芻如人

眷屬互相愛樂以貪愛故廣造諸業生死輪

迴譬如野象陷泥坑中無有出期又彼眷屬

如恒河沙父母養育皆如親子至後世中隨

其報應各各不同或爲僕從或爲怨家互相

瞋恨欺辱打罵或爲傍類互相食噉或被殺

害如是種種諸趣輪迴如七仙衆或聚或散

亦如天雨生其水漚或生或滅如是衆生愚

癡大力迷惑顛倒不了輪迴於其眷屬妄生

樂想造種種業未有須臾得清淨住又彼有情無始輪迴入地獄中所飲銅汁過大海水如彼猪狗食不淨物如妙高山又彼有情生死別離愛戀泣淚亦如海水又彼有情更相殺害積聚彼頭過梵天界蟲食膿血亦如海水又餓鬼趣命九以宿慳貪受飢渴苦十六如遇飲食即成煙炎鬼報滿已設生人中貧窮飢困種種苦惱說不能盡又彼有情以修福善生忉利天等境界殊勝恒受快樂貪愛熾盛如火燒乾草報壽盡時即墮惡趣譬如飛禽折其兩翼利那落地受種種苦是故汝等學斷輪迴速求解脫佛言苾芻譬如江河大地日月星辰須彌盧山及諸聚落世界未壞而得久住常在世間今此經典亦復如是世界未壞法亦久住於意云何為與一切有情止息輪

迴故苾芻聞已信受奉行

佛說解憂經

佛說徧照般若波羅蜜經

宋西天三藏朝散大夫試鴻臚卿傳法大師施護奉 詔譯

如是我聞一時世尊得一切如來金剛三昧  
智得一切如來種種具足最上寶冠得一切  
如來大自在相應金剛智受三界灌頂一切  
如來智印乃至圓滿一切衆生所欲之願種  
種變化大明平等智慧此大毗盧遮那常住  
三世平等一切如來金剛身語意業稱讚一  
切如來爾時世尊住欲界他化自在天宮而  
此宮殿以種種妙色大摩尼寶種種真珠瓔  
珞種種幢幡寶蓋懸掛種種寶鈴如是具足  
一切莊嚴有菩薩摩訶薩衆其名曰金剛手  
菩薩觀自在菩薩虛空藏菩薩金剛拳菩薩  
發同心轉法輪菩薩誡謾曩惹菩薩破一  
切魔王菩薩文殊師利菩薩如是等六十八

俱胝菩薩摩訶薩衆恭敬圍繞而爲說法初  
善中善後善其義深遠其語巧妙純一無雜  
具足清白宣說菩薩一切清淨法門若諸有  
情於欲清淨是菩薩故愛纏清淨是菩薩故  
一切行清淨是菩薩故見性清淨是菩薩故  
愛樂清淨是菩薩故貪清淨是菩薩故瞋清  
淨是菩薩故癡清淨是菩薩故藏清淨是菩  
薩故文字清淨是菩薩故意樂清淨是菩薩  
故觀清淨是菩薩故身清淨是菩薩故語清  
淨是菩薩故意清淨是菩薩故色清淨是菩  
薩故聲清淨是菩薩故香清淨是菩薩故味  
清淨是菩薩故觸清淨是菩薩故於意云何  
一切法自性空自性清淨般若波羅密亦自  
性空自性清淨佛告金剛手菩薩於此般若  
波羅密一切清淨法門有祕密卽字攝盡一

切法佛告金剛手菩薩一切清淨法門般若波羅密若人於此聽受讀誦彼人即入菩提道場所有業障報障煩惱障地獄惡趣及一切蓋纏皆悉不生一切苦惱皆悉滅盡若復有人日日受持讀誦一心思惟彼人現生得

命九

十六

一切法平等金剛三昧得一切自在愛樂安樂入菩薩位速證佛果是故得名持金剛佛如是所如一切法行攝入秘密卽字義門爾時徧照如來告金剛手菩薩此般若波羅密經說一切如來寂法菩提所謂金剛平等菩提金剛堅固義平等菩提一義法堅等菩提一切法自性清淨菩提皆是大菩提能除一切妄想等若有人聽受讀誦恭敬供養所有一切罪障皆得消除乃至得坐菩提道場速證阿耨多羅三藐三菩提如是所說一切法

行攝入秘密卽字義門爾時釋迦如來爲調伏一切惡說一切法平等最勝般若波羅密經貪所戲論應見其貪癡所戲論應見其癡一切法戲論應見一切法般若波羅密應如是知如是所說一切法行攝入秘密卽字義門佛告金剛手菩薩若有人於此般若波羅密聽聞受持讀誦憶念假使彼人殺盡三界一切衆生彼所造罪無量無邊以此持誦功德之力速得消除當證阿耨多羅三藐三菩提如是所說一切法行攝入秘密卽字義門命九  
十九爾時自性清淨如來復說一切法聚集觀自在智印般若波羅密經世間一切貪清淨故一切瞋清淨一切垢清淨一切罪清淨一切衆生清淨一切法清淨一切智清淨般若波羅密清淨佛告金剛手菩薩若有人於此般

若波羅蜜聽聞受持讀誦憶念彼人雖在一  
切貪欲泥中貪欲煩惱而不能染如紅蓮華  
淤泥不著故如是不久當成阿耨多羅三藐  
三菩提爾時一切三界主如來說一切如來  
灌頂生智藏般若波羅蜜經若施灌頂當得  
三界之內一切王身若施利行當得所欲之  
願一切圓滿若以法施速證一切平等之法  
若以財施於身口意一切快樂如是所說一  
切法行攝入祕密怛覽字義門爾時得一切  
智印常持一切密法如來說一切如來住金  
剛智印般若波羅蜜經若受一切如來身印  
即成就一切如來若諸語印即成就一切法  
門若受心印即成就一切三摩地若受金剛  
印即成就一切如來最上金剛身口意業佛  
告金剛手菩薩若有人於此經中聽聞受持

讀誦思惟彼人速成就具足富貴速得成就  
金剛身口意密不久證成最上阿耨多羅三  
藐三菩提如是所說一切法行攝入祕密惡  
字義門爾時一切法戲論如來說轉輪字般  
若波羅蜜經一切法無性故無相一切法無  
相故無作無作故無願無願故一切法本來  
清淨般若波羅蜜清淨如是所說一切法行  
攝入祕密暗字義門爾時一切內輪如來說  
入大輪般若波羅蜜經若入金剛平等故亦  
得入一切如來輪若入利金剛平等故亦得  
入一切大菩薩輪命九若入法平等故亦得入一  
切法輪若入一切平等故亦得入一切輪如  
是所說一切法行攝入祕密覽字義門爾時  
一切供養儀廣大生如來說一切如來最上  
供養般若波羅蜜經發菩提心廣伸供養一

切如來救度一切衆生令受一切如來妙法  
書寫供養受持讀誦復得一切如來廣大供  
養如是所說一切法行攝入秘密唵字義門  
爾時平等調伏一切如來說金剛手調伏一  
切衆生正智藏般若波羅蜜經說一切衆生  
平等故瞋亦平等一切衆生調伏故瞋亦調  
伏一切法平等故瞋亦平等一切衆生平等  
故金剛亦平等於意云何爲菩提故如是調  
伏一切衆生如是所說一切法行攝入秘密  
憶字義門爾時住一切法平等如來說最上  
一切法平等般若波羅蜜經說一切平等故  
般若波羅蜜亦平等一切利故般若波羅蜜  
亦利一切法故般若波羅蜜亦法一切業故  
般若波羅蜜亦業如是所說一切法行攝入  
秘密紇凌字義門爾時世主如來說一切衆

命九

三

生住般若波羅蜜經一切衆生如來藏即普  
賢大菩薩藏一切自性故即金剛藏金剛灌  
頂故即法藏轉一切語故即業藏作一切方  
便事故如是所說一切法行攝入秘密紇凌  
字義門爾時無量無邊究竟如來住無邊究  
竟法說一切法住平等究竟金剛般若波羅  
蜜經般若波羅蜜無邊故一切如來亦無邊  
一切如來無邊故般若波羅蜜亦無邊乃至  
般若波羅蜜如一故一切法如一般若波羅  
蜜究竟故一切法亦究竟佛告金剛手菩薩  
若有人於此般若波羅蜜聽聞受持讀誦憶  
念彼人得入究竟清淨菩薩行位一切蓋障  
究竟不生即得名爲持金剛如來如是所說  
一切法行攝入秘密毗焰字義門爾時大徧  
照如來得一切如來秘密法悟一切戲論法

說大樂不空金剛三昧平等般若波羅蜜經  
 最上法門本來無物無上中下若能成就一  
 切如來菩提法樂降伏魔怨三界自在乃至  
 救度一切眾生令得最上利樂是即名為大  
 地菩薩如是所說一切法行攝入秘密婆  
 字義門復次金剛手菩薩彼大菩薩乃至住  
 在輪迴亦作一切利益度諸眾生令住方便  
 智慧所作事業悉得清淨貪欲煩惱皆不能  
 侵如蓮在水淤泥非染自在安樂堅固不退  
 如是所說一切法行攝入秘密賀字義門復  
 次金剛手菩薩若人於此般若波羅蜜經正  
 心思惟日日讀誦乃至隨喜聽聞是人得一  
 切快樂復能成就金剛三昧不空大樂如是  
 所說一切法行攝入秘密吽字義門爾時世  
 尊徧照如來白金剛手大秘密主言我今復

命九

字二

說二十五種般若波羅蜜秘密法門汝今諦  
 聽真言曰

唵引曩謨薩哩嚩合二沒馱冒地薩埵喃引  
 唵引冒地唧多嚩日哩合唵引蘇囉多娑  
 怛釁合唵引三滿多跋捺囉合左哩也合  
 尾部摩你 唵引阿你嚩提 唵引惹引底  
 尾嚩哩帝引唵引摩賀引囉引誡達哩  
 彌引唵引尾哩也合邊嚩呬聲唵引  
 薩哩嚩誡引彌 唵引嚩日囉合捺哩合  
 荼邊嚩左唧帝引唵引薩哩嚩怛  
 他引誡帝引唵引莎婆引嚩引提 唵引  
 達哩摩合多引倪也合曩尾戍馱 唵引迦  
 哩摩合尾輸達你吽引唵引你遜婆嚩日  
 哩合尼吽音唵引迦引摩囉引礙  
 唵引惹引賀嚩日哩合唵引薩哩嚩合二



那引曳你 唵引紇凌<sub>二</sub> 唵引阿迦引羅  
 目契<sub>去聲</sub> 唵引鉢囉<sub>二</sub> 唵引波引囉彌帝  
 引惹敢引昂吽引 唵引盎 唵引薩哩嘽  
 二怛他引誡多迦引野誡哩<sub>二</sub> 唵引薩  
 哩嘽<sub>二</sub> 怛他引誡多嘽引尾輸馱你 唵引  
 薩哩嘽<sub>二</sub> 怛他引誡多啣多嘽<sub>三</sub> 日哩<sub>二</sub> 阿  
 聲 唵引三尾引誡野薩哩嘽<sub>二</sub> 薩埵喃謨  
 叉野薩哩嘽<sub>二</sub> 播引野誡帝引毗也<sub>二</sub> 薩哩  
 嘽<sub>二</sub> 三摩野嘽日囉<sub>二</sub> 吽怛囉<sub>二</sub> 吒引音  
 爾時世尊說此真言已告金剛手菩薩言如  
 是印呪能破一切罪暗能作一切吉祥一切  
 如來金剛祕密最上成就若人得此持誦聽  
 聞是即名為持金剛清淨如來若有衆生於  
 此般若波羅蜜經受持讀誦隨喜聽聞是人  
 已曾於無量佛所種諸善根植衆德本復次

金剛手菩薩若人聞此般若波羅蜜經一四  
 句偈得八萬俱胝那由他恒河沙等如來恭  
 敬供養何況解義為他演說彼人持經之處  
 如佛塔廟一切天人阿脩羅等恒來作禮若  
 人流通此經展轉讀誦獲宿命智能知過去  
 俱胝劫事一切衆魔諸惡患難皆不能侵常  
 有四大天王及諸賢聖而作衛護彼人臨命  
 終時心不顛倒一切諸佛及大菩薩俱來迎  
 接十方淨土隨意往生復次金剛手菩薩如  
 是般若波羅蜜經聖要法門成就如是最上  
 法行勝妙功德佛說是經已金剛手菩薩摩  
 訶薩及天人阿修羅乾闥婆等皆大歡喜信  
 受奉行

佛說徧照般若波羅蜜經

音釋

駢於計切  
駢郭也  
瘡交切  
瘡語假  
瘡舍年切  
瘡鼻液也  
唾吐時切  
液也

命九

二十四

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>

